



明詩正聲卷三十九 七言律詩九

廣陵

盧純學

選輯

江一夔校閱

湟中視馬多良賦此志喜 方新

賢王入貢馬如雲一覽郊坰總出羣歷塊風生  
千里足連錢星綴五花文詩陳四牡寧常見樂  
奏蒲梢僅再聞不有王靈宣絕域使臣何以效  
微勲

回中

回中宮殿鎖崔嵬王母何年去不迴玉輦虛傳  
青鳥至瑤池猶見絳桃開雲連涇汭浮雙峽日  
落崆峒隱五臺翹首金門多舊侶誰憐曼倩有  
仙才

送李伯從僉憲入蜀

沈淵

故人車馬向江干此去寧嗟蜀道難碣石劇談  
誰與共關門落日獨相看秋聲每聽玄猿嘯山  
色遙連白帝寒西望青天萬餘里可堪離思正  
漫漫

西苑

趙邦彥

星橋月苑轉逶迤水殿雲亭迴蔽虧太液天垂  
銀滉瀆瓊花地突錦參差柳搖黃舸星辰動花  
捧彤宮日月窺已見蓬山移帝苑願將瀛海  
頌皇禧

其二

紫殿氤氳瑞靄浮衣冠萬國拜宸旒花間羽葆  
龍光閃風裡簫韶鳳吹流天轉機衡調玉燭雲  
扶日月翊金甌蒼生未濟青衫老回首彤宮感

舊遊

次韻月下吹笛

趙完璧

羌笛誰家弄月明晚風清切斷腸聲悠悠寒夜  
渾如訴裊裊江天別有情楊柳淒涼鄉夢斷梅  
花零落鬢絲盈闌干十二終宵倚游子經年客  
楚城

江東送黃說仲

歐大任

軺傳今逢盛漢年青雲挾策氣翩翩客卿雙壁  
全歸趙國士千金半入燕匕首獨持名嶽上壚

頭曾醉大江前五侯任俠君方好應笑楊雄老  
尚玄

送劉兵憲長欽赴滇中



秋憲能文似馬卿壘書尺一奉西行版收君長  
三千部旆入丁男十萬兵叩竹至今通越雋樓  
舩猶自會昆明鏡歌好奏從軍樂僕射何妨是  
父兄

中秋郭次父陸華父周文美陸無從胡伯  
昂何長卿李季常安茂卿陳從訓黃白

仲陳季迪梅季豹過集得長字

高天月轉薜蘿墻握手驚呼白髮郎鳩鵲觀臨  
淮水碧鳴鳩司傍蔣山蒼歌翻南曲秋當半客  
滿西池夜正長斗酒十千君但坐莫令離索念  
江鄉

徐氏園留別金陵諸公

一尊出祖鳳皇原猶是 高皇舊賜園淮水不  
知明月去鐘山今見草堂存文章江左羣公盛  
韋杜城南二姓尊別去獨憐招隱賦萋萋芳草

憶王孫

過焦山訪郭次甫不遇

遙聞登岱俯黃河曾問秦松近若何京口我尋  
三詔洞吳門君去五噫歌精廬雪後留瓢笠曲  
徑春深長薜蘿滿目白雲今出岫石林終夜夢  
滄波

登金陵城樓

戴璟

高城落日此徘徊萬里風煙睥睨開平野北吞  
三楚盡大江東接五湖來燕歸古巷無遺宅鳳

去空山有舊臺王氣只今誰是主  
聖朝宮殿  
鬱崔嵬

春日軍山尋燕真人煉丹處  
高永祉

海門中斷鬱崔嵬古老相傳有石臺  
白日飛僊人已去青春為客我還來  
楚江風急寒潮上吳岫烟消暮雨開  
莫漫登高誇作賦千年陳跡揔莓苔

送人之南海

一片離心似水流隨君直向古交州  
炎山帶雨孤城暮漲海連雲萬里秋  
過嶺已增遷客怨望鄉仍結旅人愁  
天南地北知何處落日江邊空倚樓

元日朝回望西山雪霽東高右史伯宗

陳宗虞

紫陌朝回散履聲西山殘雪萬峯明  
雪消玉樹開三殿春控瓊樓下五城  
月色遙凌青海動天光倒射赤霞生  
風前一曲幽蘭調何限湘波郢樹情

登城閱士

俞憲

旌旗四面接遼城  
霜落高秋紫塞清  
五路雲霞連海氣  
千家砧杵動邊聲  
射鵬不數呼韓部  
奪馬今知驃騎名  
東望扶桑一長嘯  
臨風真有挂弓情

過清溪道院訪段鍊師不遇

洪孝先

嚶嚶好鳥弄晴暉  
坐對仙臺懶拂衣  
丹竈遠分關氣紫  
洞門深鎖藥苗肥  
雲開華嶽心常到  
春滿天台客未歸  
空有桃花隔流水  
浪遊方覺半

生非

村居除夕

龔勛

避人卜築過東川  
長白山前屋數椽  
却病囊中無藥物  
扶貧隴上有桑田  
群峰遶舍留殘雪  
萬樹爭春帶曉烟  
落魄不堪容易老  
明朝無那又新年

崔駙馬山池宴集

吳擴

平陽池館接青霄  
閤苑瀛洲路不遙  
帝女巧將霞製錦  
仙人長以鵲為橋  
樓前疊石雲生座  
洞

裡探梅雪滿條取醉况同詞客賞月明還聽鳳  
凰簫

寄張幼于吳山讀書

黃姬水

十載東林塵外蹤漁歌樵唱上方鐘詩成盡染  
烟霞色性定應同土木容破戒常持社中酒捐  
囊曾買路傍松重谿迴壑猶嫌近更上吳山第  
一峰

青楓山寄七弟

倪伯鰲

雲深地北三冬後風急天南一鴈遙京國到來

關塞杳故園歸去夢魂勞長途日照青楓嶺古  
木霜寒白石橋兩地別離多感慨可堪吟望重  
蕭騷

同黃郎中觀金元故城得春字

黃克晦

荒原斷處見城闌立馬橋邊問野人薊北一從  
歸漢主漠南終古絕胡塵空濠水落鳧鷖亂殘  
堞雲低草樹新回首玉京佳氣滿層層樓閣照  
青春



奉和霜降祀陵得秋字

金城西北萬山頭，翠積雲蒸碧水流。  
千古幽燕開白日，九朝陵廟閉清秋。  
星辰影動祠官入，霜露寒生帝子愁。  
廣樂無聲班欲定，似聞仙蹕出松楸。

崇安夜行

林雲程

峻坂宵征過紫陽，蕭蕭寒色灑衣裳。  
望雲月送孤鴻渺，戀闕心隨去路長。  
山日初沉松露濕，溪風乍起稻花香。  
嶽崎漫道江關異，未出閩關尚

故鄉

九日登樓遠望同諸郡寮

極目雲天萬里賒，紫茱路口夕陽斜。  
白蓮已散千年社，黃菊還開九日花。  
孤艇沙洲分柳岸，邊江籬落半漁家。  
山川信美羣公在，太守風流愧永嘉。

山塘夜泊書事

徐學謨

城邊秋水淨，薰葭城上遙。  
聞奏暮笳，一夜客舟飛。  
細雨千村漁火亂，平沙烽烟到處還。  
多壘將

明言正聲 卷之二十九 八  
士歸期已後瓜最是風塵倦行役故園東望即  
天涯

寄張孝豐子培

西江分棹意如何客路悠悠渺逝波天上浮雲  
遊子淚山中明月美人歌干戈未定書難寄南  
北相思歲已過聞說訟堂無一事青袍長日混  
漁簑

鄴城懷古

月明橫槊放歌雄鄴下猶傳魏武風芳草欲迷

麟冢沒彩雲維駐雀臺空墟烟暮起千村暝燧  
色春銷萬騎通獨有漳河流自在年年送客過  
關東

人日偕樊一賢林子順遊洪山寺

張九一

丹梯縹緲歷千盤漢水湘雲萬里看夜雨乍催  
雙樹長春陰猶抱九峯寒杯傳初地鐘聲合客  
散諸天月色殘若向登高論作賦郢中原自和  
歌難

送余德甫憲副入閩

天寒易水與雲齊送客悲歌獨杖藜策馬斜陽  
遼海北挂帆秋色楚江西他鄉負病逢搖落岐  
路音書隔鼓鼙最是大夫能作賦箭中千尺起  
虹霓

送賀參戎之花馬池

雙旌東指赫連臺四月嫖姚度漠回楊葉遙迎  
金鏃吐桃花深映紫騮開干戈榆塞三城接風  
雨蕭關萬騎來一片賀蘭山上石千秋遲爾勒

銘才

虜退後寄黎惟敬秘書

雪霽邊城送夕烽匣中雄劍化為龍書來芸閣  
傳雙淚夢落天門闕九重藜杖夜移東觀月珮  
聲朝逐未央鐘長安並馬從容處芳草王孫可  
再逢

武安遇吳約卿侍御夜酌

落日烽烟處處新碧空孤隼破風塵相看綠鬢  
埋輪使合是清朝抗疏人北嶽地盤三輔壯中

原天劃九河春至今削迹猶無策不必詩名到  
逐臣

雷雲從都督出鎮甘肅時李寧遠拜侯  
親提十二羽林兵詔下登壇別 帝京五郡再  
開都護府九重偏識亞夫營關前明月彎弓出  
馬首寒雲結陣行不見遼陽新賜券應教定遠  
避時名

碧雲寺

楊汝允

何年卓錫寄遐踪岩壑迴看紫翠重地僻故應

無暑到林深常自有雲封千山夜雨鳴飛瀑半  
壁朝陰翳古松已覺人天坐超忽况餘清籟度  
踈鐘

贈人之邊

陳大震

胡雲漠漠響悲笳烽火連天望裏賒亂水北流  
分馬邑殘山西去斷龍沙離家壯士新提劍開  
府將軍舊建牙虜取名王歌入塞五營春酒醉  
琵琶

過空苾芻院

滿地蒼苔院落空  
禪關深鎖佛堂東  
松枝自偃  
門前雪貝葉誰翻  
巖下風示寐已知  
游世外經  
行猶憶向林中  
淒然獨立斜陽暮  
無復開尊對  
遠公

送王桃溪大參入蜀

李齊芳

數年防虜不言功  
虎竹南分一劔雄  
萬里益州  
新岳牧十年漢苑舊  
司農岷山晚淨峨眉雪  
嶺春消劔閣風  
別後相思鴻鴈少  
祇看新月挂  
蠶叢

觀錢侍御巡視山海關圖

凌東京

障中今識舊榆關  
碣石滄溟指顧間  
萬里黃圖  
連碧海千年紫氣控  
蒼山天寒日落旌旗慘  
秋晚風高鼓角閒  
正是漢家無事日  
翩翩白馬射  
鷗還

洛陽酬陳節推思進

江一魚

一別相思幾歲華  
相逢依舊是天涯  
陰雲忽送  
三峰鴈細雨驚看  
九月花洛邑川原堪  
顧盼梁園詞賦蔚雲  
霞太行山色尊前盡  
愧我風塵易

感嗟

閱馬過靜寧寄懷季章弟

薄暮涇陽郭外行  
蕭蕭孤月馬頭明  
龍從並起三峰色  
不斷爭流萬壑聲  
胡騎昨宵齊入貢  
中原此日罷談兵  
朝來忽報春風度  
芳草池塘夢又生

神林道中聞鴈

落木蕭蕭動客愁  
邊城片雨入高秋  
一宵白髮生鄉思  
終日青山載馬頭  
老樹遙憑幽壑立  
飛

泉併作濁涇流  
關情最是南征鴈  
先到江南杜若洲

渡江

江一鵬

山霧微茫望欲迷  
帝城回首大江西  
青峰日落雙螺出  
遠鴈天空一字低  
風引歸潮舟半度  
雨過平野鳥初啼  
遙知故國滄波外  
松竹依然萬樹齊

水上見歸僧

凌飛閣

蒼茫落日下青山  
托鉢春城向夕還  
心逐浮雲

游世外身隨流水到人間空林漠漠烟光暝野  
逕萋萋草色閒想到東林栖息處暮鐘晴月滿  
禪關

登通州城樓

汪一中

搔首乾坤一倚樓壯懷落落此淹留北瞻日月  
開三輔南望星辰辨九州渤海亂帆漕餉集盧  
龍古木戍烟浮十年奔走長安路滿眼風塵動  
客愁

江上寄別武昌丁元父豫章羅敬叔次見

投韻

白夏

可堪相見即相違荒草連江去路微客髮總隨  
黃葉換離心遙逐暮雲飛荆門月白猿聲急彭  
蠡天寒鴈影稀回首風塵誰得意不禁清淚濕  
征衣

登齊雲巖

金鸞

春水桃花路不迷却從白岳望丹梯靈風乍掩  
龜龍伏宿雨初昏虎豹栖滿地石羊呼作隊入  
山瑤草種成畦此身更欲投何處獨立中天萬

日言上聲  
卷之三十九  
壑低

北河道中

叢臺北向通燕谷曲渚西流繞薊門歸鳥亂啼  
原上樹夕陽多照水邊村因悲俗吏趨三輔曾  
有新詩寄陸渾歲歲別來春又暮幾回芳草怨  
王孫

牛首

先皇曾此駐龍旂一夜空山擁六師春鳥尚思  
巡幸處野花不似樂遊時遙聞寺外江聲落倒  
見天邊塔影垂若問南朝昔年事廢原荒井有  
封碑

寄余德甫年丈

方攸躋

梅福都門早挂冠章江歸去老漁竿褰帷南越  
鯨波靜高枕西山劒色寒世上虛名悲燕雀秋  
來幽谷憶芝蘭樵川倚杖霜楓暮萬里愁心寄  
羽翰

人日

曉雲東望七臺前碧草長堤生煖煙歲事金花



才十日山城旅食已三年風塵病色春堪起湖  
海狂心老尚懸回首明光成夢幻感時徒自拂  
龍泉

登嵩嶽

李松

峻嶒嵩嶽俯中州天削雙峰紫翠流華頂石壇  
臨太室雲中仙路引浮丘曾聞鶴馭隨笙過漫  
說丹房有洞留塵世何時拋幻迹潁陽秋水足  
垂鈎

東山方丈夜宿

盧純忠

琴樽迢遞入烟霞灌木參差日未斜一匝清陰  
圍寶地滿庭空翠落天花溪聲逼座涼醒酒鶴  
夢驚烟夜煮茶十載重來生感慨壯心空自惜  
年華

送徐將軍浙江開府

曾因多難乞長纓躍馬翩翩向越城箭落旄頭  
春報捷檄成楯鼻夜提兵樓船萬弩江濤沸刁  
斗連營月色明我亦因君生意氣願同諸將賦  
南征

朝天宮

王洙

百折烟梯繞石城  
天門冉冉傷雲行  
瑤壇過雨藤蘿淨  
玉樹翔風鶴鶴驚  
煉藥欲分丹竈火  
步虛時聽洞簫聲  
追隨空有盧敖杖  
婚嫁何時慰向平

登岱宗作

許如松

拄杖攀蘿拂紫烟  
五松盤薄紀秦年  
二天門敞乾坤闢  
三觀峰高日月懸  
西望黃河下星宿  
東來滄海變桑田  
凌虛擬作飛龍引  
拜獻東皇太

乙前

秋夜

萬籟秋聲送夕曛  
那堪搖落夜深聞  
星移流火南雲變  
氣轉商飈北斗分  
四海交遊稀鴈字  
十年漂泊媿鷗羣  
從今閉戶唯高枕  
不向長門學賣文

清河夜雨

殷盤

旅泊維揚古渡頭  
陰雲低俯木蘭舟  
玉簫吹入江城夜  
金柝敲殘野戍秋  
瑟瑟朔風吹落葉  
瀟瀟

瀟寒雨雜川流故園迢遞千山外鄉夢頻頻戀  
舊遊

鸚鵡洲吊禰衡

汪時元

黃鵠磯頭日夜聲似猶鸚鵡賦初成于今明月  
懸江漢何處芳洲問禰衡古木一川秋色盡寒  
濤千載暮煙生臨觴忽有悲風起激楚陽阿氣  
未平

再寄顧明卿

葛幼玄

西來秋色靜蕭疎江上清霜落木初故國薜蘿  
鄉夢裡空林風雨曙鍾餘居隣水檻堪垂釣病  
寄名山未著書獨有觀濤能起色故人新賦更  
何如

懷廬山人子明

日夕青山靜掩廬西風鴻雁不傳書松楸一夜  
雙垂淚風雨孤城獨寓居蓬海丹砂成汗漫楓  
林青鬢對蕭疎豪遊說有廬生杖早晚相從御  
六虛

偶題山閣

中峰晴削劃青天上界清都日月偏古洞白雲  
千載色孤城春樹萬家烟江侵絕徼遙山沒海  
映中原返照縣向夕振衣雙眼醒十洲瑤草憶  
歸年

遊泰山肩輿口占

陸西星

孤雲直上路漫漫不記三天幾萬盤澗道飛泉  
散冰雪寥天風雨肅高寒捫松舊識秦封古度  
嶺虛傳蜀道難已入昏霾不知處欲從黃鵠借  
飛翰

八月九日寄莊峰令兄時有解組之意

迴風將雨過溪堂絡緯宵啼客枕涼澤國秋高  
踈草木鴈書天遠隔瀟湘官情見說秋雲薄別  
思其如江水長三月憶君三入夢正憐人在水  
雲鄉

秋日懷羅曾田時桐廬倭警

趙奎

高閣馮秋夜未闌懷人明月滿江干十年愧我  
論心易四海如君見面難忽報兵戈雙淚下有  
時風雨一燈殘富春山色青無數惆悵嚴陵灘

水寒

下邳阻風

譚紳

蕭颯西風湧急流古堤終日坐維舟  
沉沉晚樹低魚浦漠漠寒烟隱戍樓  
長路離心仍對雨他鄉衰髮不禁秋  
故園松菊猶堪賞何用微名事遠游

平烏刺江

周于德

春蒐萬里遍南荒夷獠新降自畫疆  
絕壑危巖通鳥道飛旌疊鼓遶羊腸  
黔瀘東下歸辰浦箐

峇西來接夜郎王化遠行銅柱外  
炎洲萬國盡梯航

雪

張師仲

軒轅臺迴北風寒如席天花入歲歡  
誰向邊關馳獵騎我從溟海罷漁竿  
無邊飛鳥千山絕不盡浮雲萬里看  
剡棹寥寥何處泛閉門惟有一袁安

揚竹谷邀飲鎮邊樓

馮舜田

將軍列宴郡城樓  
閃日旌旗擁一游  
欵塞屬羌

頻貢馬征西諸將已封侯雲開巴蜀三峰雪雨  
滄河湟萬戶秋莫聽笛聲怨楊柳十分春色在  
邊州

詠亞父

張邦仁

玉斗鴻門事已空空將竒計說重瞳赤符既識  
人間帝白首猶貪霸上功九里山前雲欲散咸  
陽宮內火初紅伯圖今古終銷歇遺恨何關失  
沛公

牛首寺

紺殿崔嵬俯大荒人傳棟宇自初唐階前文杏  
千年樹座上浮圖五色光北望鍾山當魏闕東  
臨揚子接扶桑登臨欲問興亡事滿目煙嵐易  
夕陽

妓館送人還金陵

宋登春

楚水湘雲桂樹秋黃金未盡大刀頭西風謾薄  
班姬扇南浦愁看燕子樓鷄塞夢回憐玉佩龍  
關月冷憶貂裘明年郢上還芳草夾岸桃花好  
汎舟

明言正詩 卷之二十九  
江閣晚望呈荊州守徐公

幾處薰葭連岸白  
數村烟火隔江明  
無家自合依劉表  
有賦誰能薦長卿  
巫峽去帆江樹隱  
衡陽歸鴈暮雲平  
黃金已盡還為客  
湘漢長歌萬古情

洞庭送徐使君投劾東歸

秋來為客易沾巾  
又向瀟湘送逐臣  
烟草斷雲橫遠塞  
夕陽落雁度江津  
天涯白髮無知己  
湖上青山有故人  
回首吳關空悵望  
何年滄海共垂綸

垂綸

自沙津江行舟次岳陽送徐使君

漠漠晴沙江水流  
寒衣同上木蘭舟  
白蘋風起洞庭暮  
碧樹雲橫楚塞秋  
羈客懷鄉何限淚  
孤臣去國不堪愁  
夕陽帆影臨空盡  
誰念天涯獨倚樓

閒行過武上人論禪武盖有髮僧也

穆文熙

連朝積雨淨秋容  
乘興探幽藉短筇  
一片落霞

銜睥睨半池寒水被芙蓉橋邊有寺溪名虎竹  
下逢僧杖是龍何處題詩留作偈門前初種萬  
年松

其二

窈窕城隅隔市喧荳花藤蔓見空門平生浪喜  
談三昧此日初聞話六根道在何妨僧有髮悟  
來翻愧客乘軒塵心種種歸無相涼月蕭蕭玉  
露繁

客中生辰遣懷

江一夔

西山落木莽蕭蕭尊酒天涯對寂寥鏡裡衰顏  
驚往事尊前蓬鬢愧今朝家園千里勞歸夢燕  
市三年尚敝貂安得滄洲尋舊侶白雲青霧日  
逍遙

遊萬安山登絕頂

千盤磴道入靈宮怪石差峩倚碧空優鉢花開  
青洞雨菩提樹老紫巖風行過別院隨人引欲  
逼諸天有路通回首茫茫雲水外故園遙在海  
雲東



九日同兩家兄登高

搖落空山木葉稀，清秋萬里鴈南飛。  
蕭條風雨雙蓬鬢，寥廓乾坤一釣磯。  
落日高臺兄弟酒，百年清嘯薜蘿衣。  
絕勝當日龍山會，滿把茱萸共醉歸。

登岱嶽二首

許玠

石磴巉巖聊佇望，岱宗橫絕插雲中。  
金符玉檢雙龍繞，翠壁丹崖一鳥通。  
幽谷忽驚山色暝，洞門遙辨海霞紅。  
倘逢子晉吹笙過，擬借鴻軒上碧空。

碧空

玉皇祠對丈人峰，疊嶂參差翠萬重。  
兩觀平臨尋漢時，遺碑孤表見秦封。  
獨超塵世層霄上，誰授仙人九節筇。  
稍待鷄鳴紅日曉，新詩題徧五株松。



日言正聲

卷之三十九

十四

